

## 仄韵声律启蒙

仿邵陵车万育先生平韵声律启蒙之体

嘉义 荻 州林缉熙 着

同 闷红老人 赖惠川 注

### 【上声部】

#### 一、董

禹对汤，颜对孔，酒帘对药笼。仙掖对丹房，点金对炼汞。  
豹一斑，龟五总，聪明对蒙懂。虎将蜀关张，鸿儒汉贾董。  
萤光着地草难燃，竹影扫阶尘不动。

三缄其口，千秋垂戒金人；万里长城，今日谩夸铁桶。

#### 二、肿

短对长，轻对重，承恩对持宠。两意对三心，文身对放踵。  
望眼穿，吟肩耸，心闲对事冗。帝王自有真，将相原无种。  
人来紫塞白云横，马到蓝关残雪拥。

断机教子，竟成配圣之贤；抚剑敌人，乃是匹夫之勇。

#### 三、讲

剑对枪，刀对棒，铜壶对钱龠(ㄊㄩˋ)。布政对将军，中书对待讲。  
吕兴周，刘灭项，才能对督僦。青灯夜读书，绿野春争耩(ㄍㄨㄤˋ)。  
数声牛笛下南山，一叶渔舟依小港。

秋宵赏雨，檐前星坠火飞萤；晦日临池，夜半月明珠出蚌。

#### 四、纸

鬓对须，唇对齿，凤毛对麟趾。绿水对青山，赤虹对绿蚁。  
六朝文，五代史，长庚对上巳。踏月影随身，弄花香在指。  
铜壶漏滴夜三更，宝镜光涵秋万里。

一枝画笔，移来万里江山；片叶渔舟，占断五湖烟水。

#### 五、尾

藻对蘩，葑对菲，群芳对众卉。八索对九丘，二桃对一苇。  
语惊人，诗泣鬼，身长对貌伟。径曲绕羊肠，溪流分燕尾。  
四知深畏已无人，七步能诗曾有几。

孤灯夜语，半庭落叶萧萧；二月春风，大地丹华炜炜。

#### 六、语

酒对茶，禾对黍，多罗对少许。虎豹对豺狼，玄猿对白鼠。  
戏马台，牵牛渚，金针对玉杵。新茶带叶尝，野菜和根煮。  
宫中待漏报鸡人，塞上防秋陈虎旅。

江天月白，一轮清影照河山；海峤(く | 么 ´)霞烘，五彩祥光笼岛屿。

### 七、麋(ㄩ ˘)

帝对王，文对武，刘邦对项羽。四目对重瞳，稽今对证古。

登云梯，修月斧，琼楼对玉宇。引水过山龙，爬山伏地虎。

幽居有伴竹为邻，荒寺无僧云作主。

镜中水影，分明一幅潇湘；枕上松声，疑是半宵风雨。

### 八、芥

肉对皮，肢对体，胸中对肚底。勾践对张飞，祖龙对范蠡。

贤公卿，佳子弟，登科对及第。正色秉朝纲，端章相禘(勿 | ˘)礼。

及泉见母感留羹，列鼎思亲嗟负米。

春光欲尽，飞花带雨入人家；秋气渐深，落叶随风飘客邸。

### 九、蟹

纵对横，高对矮，颠狂对潇洒。湖笔对井刀，篆书对小楷。

佛金刚，仙铁拐，屠龙对擘蟹。妙曲耳倾听，排谐颐可解。

云幕张空飞鸟惊，月钩浸水游鱼骇。

太守贤明，合浦珠亡竟又还；中宫冷落，长门赋就真堪买。

### 十、贿

实对虚，存对在，心专对意改。取义对为仁，多闻对寡悔。

家虽贫，学不怠，栋梁对鼎鼎(ㄋ ㄨ ˘)。河派出崇山，江流通大海。

池边泥软燕争衔，园内花开蜂竞采。

洛阳纸贵，半生心血赋就三都；冀北群空，一旦品题价增十倍。

### 十一、軫

干对戈，矛对盾，聪明对愚蠢。克己对修身，艰难对锐敏。

竹枝词，梅花引，三焦对百忍。勋业仰伊周，德行推颜闵。

西伯载归渭子牙，成汤往聘莘伊尹。

污泥不染，红蕖粉盖碧莲蓬；晚节堪夸，紫箨(去 ㄨ ㄛ ˘)青竿斑竹笋。

### 十二、吻

恐对忧，悲对愤，温良对恭谨。眼孔对头颅，腹心对口吻。

良弓藏，美玉蕴，施朱对傅粉。洞杳白云封，山高红日近。

杀身千古可成仁，失足一朝因小忿。

浣纱溪女，泛舟谁载五湖游；彭泽令官，解组人归三径隐。

### 十三、阮

隰对陂，原对阪，一隅对三反。粗暴对温柔，殷勤对缱绻。

麦双歧，兰九畹，奇岩(ㄌ ㄇ ˘)对绝巘。出谷鸟鸣春，归巢鸦噪晚。

雁拖秋色过衡阳，莺带春光来上苑。

月沈水底，捞残水底月还存；天近山头，踏上山头天更远。

#### 十四、旱

兽对禽，胎对卵，金盆对玉碗。把马对轻裘，烟蓑对雨伞。

千金丹，五石散，真诚对妄诞。溪流燕尾分，山势蜂腰断。

柳絮飞时午梦长，梨花落尽东风懒。

一闰再闰，岁时无错无差；春分秋分，昼夜不长不短。

#### 十五、潜

少对多，繁对简，断桥对烧栈。杨墨对桓文，申生对子产。

燕差池，莺睨皖，横行对杜撰。正气古今存，长江南北限。

诗书万里圣贤心，日月两轮天地眼。

松间鹤舞，蝉从松下奏瑶琴；花外莺歌，蝶向花前敲玉版。

#### 十六、铎

马对牛，鸡对犬，龙舟对凤辇。蜀锦对蛟绡，布衣对麻冕。

燕营巢，蚕作茧，安闲对消遣。佛法金刚经，书名玉筋篆。

簾荻洲前雁往还，水晶盘里螺深浅。

潮如有信，朝朝频去频来；云本无心，日日自舒自卷。

#### 十七、筱(ㄊㄩㄣˋ)

水对山，湖对沼，风清对月皎。天上对人间，方圆对大小。

眉儿纤，眸子了，妖娆对窈窕。雨晴草木新，日丽云烟杳。

银蟾写影夜迢迢，铜鸭篆烟风袅袅。

光阴老大，有客伤心吊落花；音乐天然，无人会意闻啼鸟。

#### 十八、巧

煮对烹，烧对炒，面包对水饺。重浊对轻清，零星对应卯。

师旷聪，子都姣，如愚对乞巧。陋室少人来，偏居无客搅。

一片丹心佐国家，毕生素志惭温饱。

春风送暖，海东仙草长龙须；谷雨初晴，石上新茶生凤瓜。

#### 十九、皓

李对桃，花对草，蒸梨对剥枣。打虎对埋儿，出妻对杀嫂。

凤栖梧，鱼在藻，三苏对四皓。短榻枕书眠，征衣和月捣。

花影暂随夜月斜，莺声已逐春光老。

春风澹荡，梨花柳絮扑帘栊；秋月团圆，玉鉴冰壶浮海岛。

#### 二十、哿(ㄍㄛˇ)

起对居，行对坐，娉婷对袅娜。起早对眠迟，勤劳对怠惰。

箭穿杨，车掷果，螳螂对蝼蛄。元正列兽樽，端午爬龙舸。  
杏脸含羞火欲燃，柳眉带恨烟深锁。  
风前杨柳，轻摇翠带千条；雨后枇杷，错落金丸万颗。

#### 二十一、马

正对邪，真对假，高楼对大厦。富贵对贫穷，因循对苟且。  
欺天乎，知我者，市尘对朝野。字别古今文，诗分大小雅。  
羊角风掀翡翠帘，鹅毛雪压鸳鸯瓦。  
饱谙世味，须知举世覆雨翻云；阅尽人情，只好任人呼牛唤马。

#### 二十二、养

去对留，来对往，风流对倜傥。螭(虬)髓对麟脂，猩唇对熊掌。  
狈依狼，蛇咽象，夸张对妄想。病鹤不梳翎，麻姑能搔痒。  
众芳摇落独婵妍，大器晚成堪敬仰。  
闲庭春冷，落花细雨燕泥香；小阁昼晴，暖日和风人意爽。

#### 二十三、梗

暖对温，寒对冷，象驯对狮猛。鹤擎对龙袍，蝌文对兔颖。  
小姑山，大庾岭，鸥朋对鹤警。春日影迟迟，秋河光耿耿。  
几点晨星有若无，一行征雁斜还整。  
桃源有路，山回水绕云深；茅屋无人，花落鸟啼昼永。

#### 二十四、迴

箸对杯，炉对鼎，心倾对首肯。螭首对蛾眉，蜂腰对鹤顶。  
龙涎香，雀舌茗，胧朦对酩酊。食采有三阶，叙功分五等。  
青灯十载学无成，红日三竿眠未醒。  
天高月小，家家砧上捣征衣；日暖风轻，处处江边浮钓艇。

#### 二十五、有

弟对兄，朋对友，黄童对白叟。石烂对海枯，天长对地久。  
茉莉花，葡萄酒，左宜对右有。朝暾上海棠，夜雨剪春韭。  
士真知己无二三，事不如心常八九。  
珍珠帘卷，一钩新月挂虾须；宝鼎香烧，几缕轻烟吹凤口。

#### 二十六、寢

旱对霖，荒对稔，开仓对发廩。御苑对灵台，高官对极品。  
琉璃屏，琥珀枕，逃禅对侍寢。展榻拌云眠，开樽邀月饮。  
柳眉才展便飞花，桑眼未开先着葢。  
今宵楼外，月光如水水如天；此日门中，人面似花花似锦。

#### 二十七、感

饱对饥，吞对噉，虎头对燕颌。转眼对回肠，寸心对斗胆。  
绿芭蕉，红菡萏，当然对岂敢。白曲酿葡萄，红盐落橄榄。  
月移花影上阑干，风送钟声来枕毯。

竹桴入海，眼中云雾无边；铁羽飞空，天下江山一览。

## 二十八、琰

毁对誉，褒对贬，奢华对节俭。鸳帐对牛衣，芦帘对竹簟。  
柳叶眉，桃花脸，松苓对莲芡。花影月常移，柴门风自掩。  
春晴浅碧水光浮，雨后深青山色染。

衡阳孤雁，月中带影一双飞；北斗七星，水里连天十四点。

## 二十九、赚(丁 丨 马 丿)

叫对呼，呐对喊，吉凶对丰歉。诗签对民讹，官箴对帝范。  
北岭梅，南山赚，风清对露湛。柳困夏初长，花飞春渐减。  
思归王粲赋登楼，死谏朱云旌折檻。

渔村绝景，夕阳斜抹荒矶；野渡无人，春水轻浮巨舰。

### 【去声部】

#### 一、送

聚对分，迎对送，乡心对客梦。莼菜对鲈鱼，题糕对系粽。  
士焚膏，儿击瓮，超人对出众。亲亡欲养亲，痛定方思痛。  
客舍秋雨笛一声，谁家夜月琴三弄。

天衢夜色，佳人挥扇扑流萤；秦阁月明，仙子吹箫迎彩凤。

#### 二、宋

细对粗，痕对缝，共和对总统。弄笛对吹箫，面谈对背诵。  
汉萧曹，唐沈宋，商书对鲁颂。风转片帆斜，月明千里共。  
天半赤虹化玉垂，日边红杏和云种。

汉世将兴，资运策六出六奇；南人不反，在攻心七擒七纵。

#### 三、绛

渔对樵，耨对，贤明对愚戆(虫 乂 九 丿)。日月对星辰，春分对霜降。  
楚汉争，鲁邹哄，兵符对战檄。将略汉卫青，相才唐李绛。  
砧杵千家白帝城，夕阳一抹乌衣巷。

西湖雨霁，轻轻双桨画中行；古寺云封，远远疏钟风外撞。

#### 四、寘

孝对忠，虚对伪，浮名对降志。国策对人谋，存亡对弃置。  
獬豸冠，鸳鸯被，乘龙对附骥。流水若无情，落花如有意。  
花下眠花梦亦香，客中送客心先醉。

莺梭穿柳，织成二月春光；雁字排空，写出一天秋思。

#### 五、味

苦对甘，香对味，多心对短气。恻隐对慈悲，四知对三畏。  
奠河山，分泾渭，东周对北魏。水暖浴鸳鸯，秋深啼络纬。  
满天星斗夜光明，一路莺花春富贵。

元宵乐事，六街灯火月轮高；上巳风光，四野笙歌人鼎沸。

#### 六、御

毅对刚，仁对恕，龙鳞对凤翥。羞恶对是非，忸怩对底豫。  
载后车，借前箸，并吞对割据。鱼戏水知春，鸟啼天欲曙。  
细雨无声点绿苔，东风底事飞晴絮。

客眠旅舍，客心常到故乡来；人倚桥栏，人影不随流水去。

#### 七、遇

曲对歌，诗对赋，金风对玉露。曳杖对提壶，疾行对徐步。  
平坦途，崎岖路，披坚对负固。红叶落秋山，白雪连古戍。  
一帘夜色月当阶，万壑秋声风在树。

绿槐夹道，清阴布地扫难开；红杏出墙，春色满园关不住。

#### 八、霁

盛对衰，兴对替，名言对妙谛。义侠对英雄，轩昂对睥睨。  
袁子才，张公艺，千秋对百世。仙家日月闲，春色江山丽。  
午夜箫声弄月寒，暮春草色和烟霁。

铜壶滴漏，更残月落夜沉沉；金鼎焚香，人静烟清风细细。

#### 九、泰

藕对菱，瓜对柰，金簪对玉带。绣阁对珠帘，香车对翠盖。  
鹿呦呦，凤翱翔，山僧对市侩。正气溢三才，神光包四大。  
心上常存咫尺天，眼前且蓄三年艾。

持身有节，严鬼神天地于胸中；秉法无私，置褒贬毁誉于度外。

#### 十、卦

广对平，宽对隘，焉知对匪懈。伦纪对纲常，乐崩对礼坏。  
山嶮岩(ㄩ ㄇ ˊ)，水澎湃，陈琳对卫玠。云是鹤家乡，春为花世界。  
树上蝉声当管弦，窗前山色疑图画。

庭陈瓜果，家家月下乞双星；网结蜘蛛，处处花梢悬八卦。

#### 十一、队

罪对功，存对废，荣枯对显晦。聚首对同心，鸡群对鼠辈。  
雁成行，驼结队，鸢肩对鸦背。秋水练拖蓝，春山眉扫黛。

秋风寒砌听蛩吟，夜月荒村闻犬吠。

洞天福地，云屏烟幙月为灯；胜境名山，松盖苔裊兰作佩。

## 十二、震

降对升，停对进，骄矜对鄙吝。杏靛对樱唇，风鬟对雨鬓。

为人谋，于我殍，三鸦对八骏。蛩声伴客吟，雁字传乡信。

白石炼成换骨丹，黄金铸就封侯印。

直言不讳，上赐三杯白虎樽；首尾相连，谁排一字长蛇阵。

## 十三、问

高对卑，遐对近，星回对月晕。顾曲对征歌，佳肴对美酝。

酒消愁，风解愠，圣模对祖训。鸡肋乱军心，佛头污鸟粪。

龙飞应协帝王占，牛喘曾劳丞相问。

兽蹄鸟迹，雪中印个竹叶梅花；蝉噪蛙鸣，苑外传来鼓声笛韵。

## 十四、愿

尺对分，厘对寸，盈千对巨万。敌国对盟邦，报恩对雪怨。

青菜汤，白米饭，从心对如愿。家富小儿骄，秋高戎马健。

柳絮黏衣不耐寒，苔钱贴地难医困。

梦回窗外白，初疑残月后疑霜；春去树头空，半坠雕栏余坠溷。

## 十五、翰

偶对奇，全对半，星移对物换。天意对人心，亲离对众叛。

星月辉，文章换，期颐对若冠。沽酒杏花村，垂纶杨柳岸。

雨打萤灯暗复明，风吹雁阵连还断。

参差远岫，断云白鹭齐飞；滴沥空斋，碧瓦红蕉错乱。

## 十六、谏

损对亏，真对贗，直言对曲谏。玉振对金声，璧联对珠串。

赵真真，关盼盼，非非对幻幻。秋水想伊人，新霜惊塞雁。

庾岭梅开白玉英，东篱菊绽黄金瓣。

凌波仙子，月下行来步步娇；跨凤秦娥，云中吹出声声慢。

## 十七、霰

侈对奢，贫对贱，小楼对别院。海晏对河清，龙飞对虎变。

榭叶杯，桃花扇，黄鹂对紫燕。拾级老僧归，绕枝飞鸟倦。

风传钟磬落人间，曲奏霓裳开月殿。

华堂日永，珠帘不上银钩；紫禁更残，铜漏暗催晓箭。

## 十八、啸

喜对悲，啼对笑，貽讥对嗤诮。兔死对狐悲，鸡谈对鹤吊。

赤灵符，丹凤诏，三昭对九庙。凌云白鹤飞，对月玄猿啸。  
身中尽道有三尸，面上谁云无七窍。

江中日暮，数声渔笛按新腔；塞上秋高，一曲胡笳吹异调。

#### 十九、效

诈对欺，争对较，上尤对下效。水碧对山青，兰舟对桂棹。  
子建才，潘安貌，二难对三乐。电台广播机，原子和平炮。  
霜飞六月表孤忠，笋出三冬彰至孝。

深深院落，绿槐树下阴浓；小小庭园，红杏枝头春意闹。

#### 二十、号

抚对怀，安对劳，手舞对足蹈。龟勉对劬劳，齐纨对鲁缟。  
雪沾衣，风落帽，当垆对跨灶。贯虹易水歌，望鲁龟山操。  
帘卷春风燕入来，树留夕照鸦争噪。

灰飞葭管，人间始觉春回；叶落梧桐，天下方知秋到。

#### 二十一、个

碓对箕，舂对磨，依阿对附和。绣口对锦心，垂涎对咳唾。  
壁中书，窗下课，三愆对贰过。短笛倚风吹，小楼听雨卧。  
灭秦除暴约三章，雄辩高谈惊四座。

霜铺绿野，半钩残月白分明；花落苍苔，一片绣裯红点破。

#### 二十二、馮

秋对冬，春对夏，高低对上下。燕麦对蚕桑，苦瓜对甘蔗。  
翡翠衾，蛟绡帕，歌筵对舞榭。佳人绝世姿，美玉连城价。  
屏山花鸟不飞鸣，砚水鱼龙多变化。

司冬黑帝，五湖四海欲凝冰；灯火元宵，三市六街真不夜。

#### 二十三、漾

雌对雄，雄对壮，扶持对守望。野店对田家，村沽对市酿。  
红锦袍，绛纱帐，体胖对心旷。虞舜善亲亲，汉高能将将。  
班超投笔事从戎，丁固梦松拜丞相。

舟行巴蜀，两岸猿声巫峡云；客到武陵，一篙春水桃花浪。

#### 二十四、敬

舜对尧，孔对孟，居仁对止敬。礼乐对诗书，动心对忍性。  
三字经，百家姓，寒暄对温情。星斗焕文章，雷霆申号令。  
牡丹富贵誉花王，张旭颠狂称草圣。

形同苍狗，半空舒展云衣；影摇银蟾，千古团圆月镜。

#### 二十五、径



取对偷，遗对赠，石桥对山径。玩水对游山，诗情对酒兴。  
草忘忧，叶指佞，折腰对叩脰。易理决穷通，卦爻分世应。  
寒窗灯火士攻书，远寺钟声僧入定。

食防风之御粥，口香七夜犹存；饮千日之芳醪，泥醉三年始醒。

## 二十六、宥

悒对骄，贫对富，乾坤对宇宙。道德对文章，心传对口授。  
谢必安，范无救，沐猴对斗兽。风恬树不摇，云散山乃旧。  
不觉春残绿叶浓，忽惊秋尽黄花瘦。

一天明月，深深闺阁苦良宵；满地落花，寂寂栏杆闲永昼。

## 二十七、沁

燕对莺，枭对鸩，耳聋对口噤。少壮对老成，轻挑对重任。  
戴月行，感星妊，行吟对立饮。高祖约三章，齐桓申五禁。  
东风拂面树摇红，赤日横空槐作荫。

清晨楼外望，长江远远水连天；午夜月中看，曲沼深深星斗浸。

## 二十八、勘

巧对乖，污对滥，可憎对太憨。接吻对倾心，多情对遗憾。  
采莲舟，卖花担，牙樯对锦缆。营巢燕去来，照字萤明暗。  
对镜双描柳叶新，巡檐一笑梅花澹。

梨花院落，疏星隐隐月溶溶；柳絮池塘，丽日迟迟风淡淡。

## 二十九、艳

问对闻，思对念，丰收对薄敛。六极对三司，有余对不赡。  
爰无差，学不厌，身修对体验。游子梦家乡，荒鸡啼野店。  
雨中山色觉空蒙，月下湖光增潋滟。

寒窗灯火，苦心枉读十年书；遍地烽烟，壮志未酬三尺剑。

## 三十、陷

假对还，赊对欠，天倾对地陷。短驿对长亭，居停对路站。  
御史台，中书监，陈情对悔忤。有志济时艰，无言观物泛。  
满径秋风落叶铺，一篙春水扁舟泛。

露凝草上，分明万颗珍珠；月印波心，真是一轮宝鉴。

### 【入声部】

#### 一、屋

牡对雌，雏对犊，滋生对化育。万物对三才，六亲对九族。  
白玉堂，黄金屋，云裳对雾谷。春风岭上梅，秋色篱边菊。  
银鞍白马醉春风，黄卷青灯勤夜读。

武陵雨细，荡漾两岸飞花；淇澳风轻，摇曳千竿绿竹。

## 二、沃

困对穷，荣对辱，酒筹对棋局。鹄志对鹏程，龙头对骥足。  
百镒金，千锤粟，多谋对大欲。秋云接地阴，春草连天绿。  
雁传紫塞数行书，人唱阳关三迭曲。

朔风雨雪，千山树上尽开花；冷露凝霜，四野田中皆种玉。

## 三、觉

雨对云，霜对霰，无讹对正确。负笈对倾筐，切磋对雕琢。  
老何为，幼不学，先知对后觉。一国仰三公，万机咨四岳。  
堤边芳草醉翁裊，岸上垂杨渔父幄。

闺中怀远道，计程应说到常山；塞上苦寒宵，入耳何堪闻画角。

## 四、质

暗对明，疏对密，形单对气壹。井李对园桃，飞英对结实。  
耳垂肩，手过膝，五音对六律。汉帝九华灯，江淹五色笔。  
清歌余韵遏行云，酣战挥戈停落日。

龙从角听，方知特具性灵来；蝉以胁鸣，不啻若自其口出。

## 五、物

舍对施，求对乞，软吞对硬吃。世态对人情，地平对山屹。  
谪降仙，如来佛，三无对四勿。气短性难移，头低心不屈。  
新篁弄月影离离，老干横秋枝郁郁。

追风逐电，麒麟终非枥下才；施雨行云，蛟龙岂是池中物。

## 六、月

屨对衫，肤对发，忧燕对吴越。国际对民权，南征对北伐。  
踏青鞋，凌波袜，卧薪对采蕨，鸛鷓借一枝，狡兔营三窟。  
风吹水面水生鳞，雪解山头山见骨。

高楼吹玉笛，一声响遏行云；曲沼泛兰舟，双桨误撞明月。

## 七、曷

始对终，本对末，天高对地阔，见性对明心，中行对上达。  
玉观音，泥菩萨，长衫对短褐。画饼不充饥，望梅堪止渴。  
树短叶疏鸟露巢，月明波静鱼吹沫。

扶筇词客，闲敲石火试新茶；挂锡游僧，自引山泉承破钵。

## 八、黠

安对危，生对杀，难攻对不拔。元旦对期年，初三对腊八。  
攫兔鹰，驱鱼獭，花开对草茁。吞胡正枕戈，留客曾投辖。

海上妖氛出蜃楼，山中清磬传龙刹。

春风多乐事，花开蝶舞莺啼；夜雨少行人，月落马疲路滑。

#### 九、屑

慧对聪，迂对拙，千金对寸铁。小友对高朋，偲偲对切切。

登龙门，探虎穴，消寒对溽热。校书藜杖燃，读易韦编绝。

匣中杀气跃青萍，笔下阳春歌白雪。

诸葛亮茅庐陋室，三顾休光；陶渊明菊径荒园，千秋高节。

#### 十、药

壮对衰，强对弱，乌乌对鹤鹤。陋室对高轩，巡檐对绕廓。

子孙爻，君臣药，鸢飞对鱼跃。明月印天心，断云拖雨脚。

微云不雨作轻阴，枯叶无风曾自落。

落霞映水，渔人尽道满江红；瑞雪飘空，农夫齐唱清平乐。

#### 十一、陌

满对盈，亏对益，稻粱对菽麦。蹶足对攒眉，捧心对加额。

峨眉山，鹿肚石，图书对典籍。读史鉴兴亡，围棋分黑白。

周武王八百诸侯，孟尝君三千食客。

明月映梅梅映月，梅月双清；碧天如水水如天，水天一色。

#### 十二、锡

子对孙，庶对嫡，逍遥对霹雳。醉石对廉泉，封河对面壁。

百世师，万人敌，飞空对伏枥。伸手桂堪攀，举头星可摘。

一庭明月夜沉沉，满院落花春寂寂。

红日到窗，方觉晓世外不更筹，碧桃开处，始知春山中无玉历。

#### 十三、职

读对耕，劳对息，天心对人力。长幼对尊卑，暖衣对饱食。

论钱神，颂酒德，皮毛对羽翼。弄斧笑螳螂，鸣机闻促织。

景公千驷愧夷齐，颜子一瓢同禹稷。

蝴蝶梦中，蝴蝶舞无影无踪；杜鹃枝上，杜鹃啼有声有色。

#### 十四、缉

里对乡，城对邑，乘车对戴笠。得意对忘形，佳篇对雅什。

碧梧枝，香稻粒，无余对可及。花外紫骝嘶，竹梢丹凤立。

举杯邀月影成三，托钵随缘僧合十。

一觞一咏，金乌玉兔任升沈；半饱半饥，茅屋布衣权缓急。

#### 十五、合

两对斤，升对合，喧哗对杂沓。道士对神仙，黄冠对老衲。

换字鹅，传书鸽，龙门对雁塔。篱下菊迎秋，陇头梅破腊。  
小窗人起日三竿，荒寺僧分云半榻。

一庭花影，春风摇曳共徘徊；四壁虫声，夜月凄凉相问答。

十六、叶

妇对夫，妻对妾，重重对迭迭。绿鬓对朱唇，桃腮对杏颊。  
郑鹧鸪，谢蝴蝶，鸿儒对大侠。夜鹤警寒宵，暮鸦归古堞。  
一行征雁写天书，满纸涂鸦临古帖。

清风明月，无禁亦无尽藏；圆峤方壶，可望不可相接。

十七、洽

曲对弯，宽对狭，宦途对举业。地轴对天枢，神山对巫峡。  
白马盟，红羊劫，五丁对六甲。笛声客倚楼，剑气龙归匣。  
种成绿柳好藏莺，造就曲栏堪斗鸭。

一介书生，攀龙攀凤丹桂香飘；三公宰辅，做楫做舟盐梅味洽。

附言：

诗也、词也、诗钟也，其揆一也，皆陶养性情者也。老友荻洲林缉熙先生，耽于诗，而工于词。当其隐鹿满山时，日以吟咏为事，着荻洲吟草、诗词各若干卷，余既序之，而尚未尽其所蕴。笔砚之余，又着仄韵声律启蒙七十有六韵，对仗工整，运典自然，较诸古人所著平韵启蒙，实无逊色。余爱之，朝夕讽咏，稿本置余家数月。嗣因闷红馆同人皆欲得为矜式，因其所用故事多有未解，责余注释，自顾浅陋，难于下笔，故辞而已。而同人再三言之，爰就所知，略加点缀，而荒疏已久，恐不免乖谬也。

乙未孟春

闷红老人 赖惠川